

會稽縣志卷第二

城池志

縣城 所城 廢城 設官 縣署 屬署

寓署 廢署

縣城

縣城附府

城之東者屬縣府城即古山陰大城也范蠡所築周二十里七十二度缺其北

隋開皇中越國公楊素增脩周四十五里名曰羅城脩小城爲子城周十里唐末分運河以東之城屬會稽元至正十二年篤滿帖睦爾增築坊自五郭一鄉入城內始甃石置月城以開塹河

雲北界石起至植和門止長一千二百六十七丈

會稽縣志

卷二

城池志 縣城 一

一尺四寸高東一丈四尺南一丈六尺北一丈四尺厚東一丈八尺南一丈五尺北一丈八尺址厚東二丈一尺南一丈九尺北二丈二尺城門四東

日五雲

即古雷門詳見古蹟雷鼓下志者大約謂句踐以吳于陵門上有蛇象而作龍形龍

畏雷故作此門以勝之果爾則下文水門曰都泗

稽山門犯勝之說似亦不可忽與元名東南曰稽山

城一座以護而稽山門獨倍之左右翼遠接其門先是倭人入內地頗逼知府劉錫恐寇階以登用郡人言墮缺之鍾稍深得石匣一啓之有骸一具鐵索錮其項復有木匣函其顱索錮如之而骸與匣並新鮮如昨瘞是門屬西南爲吳隅地家所稱當避賊鋒者而今若此意城時取賊軀以壓勝耳

人相傳自來郡城中無剽寇自墮月水門曰東郭城後始漸有以爲犯勝理或然也

元名東明城樓四敵樓一兵馬司四窩舖三十五月城

三女牆二千二百九十二城內外並池以遶之外

池東廣五丈深一丈南廣八丈深九尺北廣五丈

深八尺內池並廣丈有八尺深七尺

嘉靖三年知府南大吉重

脩女牆並易以磚高四尺六寸厚一丈崇禎十五年推官陳子龍脩五雲外城名曰雷門重險

國朝順治十五年總督李行文各縣脩城女牆併二爲一

所城

〔瀝海所城〕在縣東北七十里三十三都之薛家瀝

會稽縣志

卷二

城池志 縣城 二

明洪武二十年信國公湯和建城方三里三十步高二丈二尺厚

一丈八尺城門四城樓四角樓四敵樓四月城四

兵馬司廳四窩舖一十六女牆六百一十一池深

丈有五尺廣五丈五尺內設教場一所

會稽管轄西北二門上虞管轄東南二門亦于順治十五年重脩

廢城

〔會稽山上城〕在縣東南一十里

越絕書句踐與吳戰大敗棲其中乃

以下爲牧魚池其利不租舊經句踐爲夫差所敗以甲楯五千保于此城也干道志云城天門也天門當閉開必致虎嘗觀吳之勝越越雖大敗猶以甲楯五千保險拒之故得不亡此與漢伐宛無異

宛以得存者亦以中城不下故也豈獨以納賂請盟而得存哉及吳之亡也乃束手請以越之事吳者事越豈可得哉夫差豈能存亡國句踐亦非忍于滅吳各因其勢而已故表出之爲後世守國者戒之

會稽山北城在縣東一十里

越絕書子胥浮兵以守城是也舊經夫差

圍句踐于會稽山伍負築此城以屯兵

侯城在縣東五十八里

越始侯無餘所都城也

黃家堰巡檢司城在縣東北八十里纂風鎮與上

虞縣界

郡志司城爲方一百四十丈高一丈三尺厚二丈五尺南北環以月城城樓一窩舖

四女牆一百十城下有池深一丈二尺廣四丈五尺舊在府城東北六十里黃家堰洪武二十年徙

會稽縣志

卷二

城池志 廢城

三

瀝海所西爲海潮所齧弘治間徙今所故址尚存

設官

柳子論封建大約謂上古之時起于有爭而就質於是刑政漸以生焉是故有里胥而後有縣大夫有縣大夫而後有諸侯有諸侯而後有天子自天子至下里胥皆有德者也必求其嗣而奉之此封建之所由始也信斯言也則縣大夫之設其初且未屬于天子而民自求有德以聽其治其後既有天子則天子始求諸有德者責其治以加于民

然而自始求之外子嗣其祖以爲治未必肖之者亦多矣而今之言制者每每進封建而退郡縣之設官噫今所設之官類皆天子求諸有德責其治以加于民亦猶古初民自求諸有德以聽其治之類也卽有鮮德者亦不猶古初封建之後其子孫嗣以爲治未必肖其祖之類耶如此則凡鮮德者其爲官之責而非設官之責也亦明矣言制者又烏用進封建而退郡縣之設官也耶

徐渭

周制縣有正以掌其政令而治之其屬有黨正族

會稽縣志

卷二

城池志 設官

四

師閭胥比長鄧正春秋列國或曰宰曰尹曰公有大夫名以國異其爲縣邑之長則一也長各有貳然丞尉之名則無聞領縣始于秦秦置令丞尉各一人三老一人亭長未詳其數漢率襲秦令一人千石月俸八十斛丞一人四百石月俸三十斛尉一人二百石月俸十五斛主簿令長得自調用秩與尉同三老一人擇鄉之三老爲之得與令丞尉以事相教孝弟力田一人嗇夫游徼一人至武帝增置學官一人平帝置經師一人晉增置嗇夫二

人教官掾一人方畧吏一人書吏二人史佐二人

〔後魏〕增置博士助教各一人學生四十人會稽有

縣自隋開皇九年始〔隋〕置縣列上上者有令丞中

正光迎功曹光迎主簿功曹主簿錄事及西曹戶

曹金曹兵曹等掾市長等員合屬官佐史五十四

人上中縣減上上縣五人上下縣減上中縣五人

中上縣減上下縣六人中中縣減上中縣五人中

下縣減中中縣一人下中縣減下上縣一人下下

縣減下中縣一人

當時會稽不知列何等今不可考

自州郡縣各

會稽縣志

卷二

城池志

設官

五

因其大小置自直以供其役上縣令爲第六品中

縣令爲第七品下縣令爲第八品祿率一分以帛

一分以粟一分以錢六品一百匹二十五匹爲一

秩七品六十匹十五匹爲一秩八品二十六匹九

匹爲一秩

隋書紀錄但以帛稱而不及錢粟故曰匹

唐置令一人從六

品秩田五頃歲俸八百有五石丞一人從八品秩

田三頃歲俸六十四石有五斗主簿一人正九品

秩田二頃五十畝歲俸十九石有五斗尉一人從

九品秩與簿同學置長史一人學生三十五人則

固猶漢魏也宋置知縣一人秩田六頃俸二十千
丞一人秩田四頃俸十五千主簿一人秩田三頃
俸十二千尉一人主學一人秩俸皆同簿增置忠
翊郎巡檢一人承信郎監酒稅一人元增置達魯
花赤兼諸軍奧魯勸農事一人秩田二頃月俸鈔
十有八兩縣尹一人秩與達魯花赤同主簿一人
秩田一頃五十畝月俸鈔十有二兩丞一人秩田
一頃月俸鈔十有二兩典史及尉皆一人月俸米
八石鈔十兩教諭一人月俸二石鈔十兩至明制

會稽縣志

卷二

城池志

設官

六

置知縣一人正七品月俸七石有五斗丞一人正
八品月俸六石有五斗主簿一人正九品月俸五
石有五斗典史一人月俸二石司吏十一人典史
二十一人教諭一人訓導二人俸廩皆三石生員
廩膳二十人增廣二十人附無定額今在會稽者
約四百人其屬今在會稽者東關驛丞一人月俸
一石吏一人舊在會稽者五雲桑盆河泊所二僮
塘稅課司一三界蒿陡桑盆稅課局三各有官一
人吏一人後俱革崇禎間裁主簿一員

國朝官制品級因之俸廩載田賦志下主簿訓導奉

裁

縣署

正廳三間

名牧愛堂

幕廳一間

後堂五間

西爲冊庫

耳房

一間

穿堂一間

戒石亭一座

兩廊十六間

鹽倉三間

土地堂一所

獄一所

儀門三

間

外門三間

旌善亭一間

申明亭一間

坊牌二座

客廳三間

名賓賢館

知縣衙在正廳後

會稽縣志

卷二

城池志

設官

七

縣丞衙宋在東大德政坊今在知縣衙東

主簿衙在知縣衙西

典史衙宋在縣東七里靈汜橋今在正廳東

三友亭

亭植松竹梅令丞簿託以自見吳元年知縣戴鵬舉脩之王宥作記成化十五年吳

珍復脩亦有數語以識元王宥記縣有令丞簿令宰一邑事無所不統丞若簿各有分職非若令之

得專決前代史冊所書專稱令而不及丞簿今則藉令佐職于縣事皆得預聞是非可否均若一體

無恃情獨斷之害視古制爲良會稽初入版圖于是縣令戴君鵬舉及縣丞胡君伯庸主簿鍾君仲

輔實皆一時之選下車臨政問民間之疾苦刮垢去弊光彩振發恒賦之外無橫斂之苛無叫囂之

苦民皆鼓舞齊走樂于趨事政成治安相與無事日惟守法循理而已縣圃舊有亭廢久不治乃擴

而新之又加飾其欄楯環樹梅竹雜踈松其間景物瀟灑頓殊疇昔公事之暇則相與扶携至是對哦松竹商略古今清坐雅談爲事余歸自金陵間至其所愛其幽曠閒雅有不忍舍去之意三君子起而言曰是不可以無記余觀天下之植衆矣春而榮夏而長秋至氣肅而摧剝繼之獨松與梅竹凌寒不凋傲霜雪貫四時而不改柯葉豈非得天地剛健之氣而遂其性之貞固獨能久長而不衰故三者得以友稱而他木不與焉今邑大夫暨僚佐侃侃自治不爲物撓其節操剛特不變亦類於是夫藝木之初已期于自擬非偶然也木無殊于人事而人之節槩則有似焉故人以木而表見其性木以人而愈彰其名則凡處茲邑署而同治民者誠良益友也古者同僚爲友邑之僚適三人而無外與皆能以清操自持愈久峻拔將金石與文而終始益堅木不是以爲比豈獨是亭哉嗟夫登亭而觀木因木而思其人則亦使後之人知其所自而有省爾吳珍識余自丁酉冬來令茲邑公暇

官舊縣志

卷二

城池志

縣署

八

每詢前任有善政貽于邑者心竊慕之然久亦未得其人今公署後偶見碑石廢草莽間命洗而讀之乃戴君鵬舉令是邑與丞簿託松竹梅以自比名曰會稽三友亭記君之政績雖未暇究然觀此而其爲人可想矣余讀記因有感焉故重建以俟後有所考云

清遠樓

嘉靖十六年知縣牛斗建隆慶六年楊節繼之樓下畦瓜一莖三蒂而六實因更其

名曰嘉瓜樓

集思堂

即後堂久圯康熙五年知縣王安世重建

縣令題名碑一座

嘉靖八年知縣王文儒立

右縣署唐垂拱二年建周二里前臨開元寺後月池坊廳後濱河明洪武二年知縣戴鵬舉重建成化十二年吳珍脩正德四年陳玉脩別有寬簡堂綠漪廳在宋時所建者今廢

屬署

東關驛在縣東九十里

即古東城驛

門樓三間

正廳

三間 穿堂三間

後堂三間

房四

文行忠信正從鋪陳

各一副

站船

隨船正從鋪陳各一副

紅船

隨船正從鋪陳各一副

支應

每日若干舊驛在曹娥鋪右二百步其左即曹娥舊壩隔江岸二里許泥濘難行嘉靖間

里人共捐產開河由曹娥場起至鳳凰山下移驛于壩邊臨江許東近上虞凡各上司往來差役以江心爲界有站船紅船河船等水手值馬夫把門諸官隨夫役其擔負扯牽等項名曰募夫募夫向

會稽縣志

卷二

城池志

屬署

九

有夫頭領縣工食僱夫應用工食入手往往逃竄三院司道及汛兵往來鎖拷居民不遑寧居萬曆年間知縣某立法將募夫工食給附附近十三四五都里長免其雜項差役承值募夫

國朝順治年間大兵過往如織里長不能供應今兵役已寧民始休息總督趙嚴禁拖遞等弊碑立塔邊橋

便民倉在都泗門內

官廳三間

土地祠一間

大門三間 廩五十間

今廢已久

預備倉在便民倉內

即古北義倉基

官廳三間

廩六間

按郡志縣東八十里東義倉東南三十里西義倉東南七十里南義倉今廢

迎春亭

舊在鎮東軍門左弘治中移至東雙橋上已而移至五雲門外每歲立春于此迎春

今災萬曆間知縣羅相重建常平倉亭在常平倉之前陶望齡記常平倉議發于浙江叅政張公既奉俞旨檄所部諸州縣作之是歲丙申五月會稽尹一公以新倉報成倉處五雲舖右故河泊所地西望郭前類大河航馳擔趨人力所湊官易監察而民便于出納厥地最宜上木傭力之直銀二百八十四兩零傭者食穀百有六石成屋大小十九間袤石墻六十六丈費最省倉之製正廳三間前擴之爲捲簾間稱焉後引一室爲更永所兩耳目社學間稱焉學旁兩小房銜之東西翼爲廩房皆連七楹受粟度可八十餘石廳左方三楹日土地祠右方者間稱焉前爲大門路達度達瞰水楹者五特脩廣壯麗爲官廳門之兩隅各旁引入室列肆者儼于官而居焉夫會稽浙東首郡而五雲會稽東門大道也曩者歲首立春日郡太守率僚屬延句芒東郊導從無所止常止舖中舖湫隘履舄相蹈並涯民居喧穢省憲大官弭節無地吏民迎送叅謁威儀弗愆二者皆大郡之辱沿不可改倉

會稽縣志

卷二

城池志

屬署

十

建而三利併焉閱其內可以葦冠蓋巍其外可以懋使舟路拜有度將迎有體肅官常敬民事倉云乎哉以故厥規制最鉅備仲春始儻工踰兩月而成若地湧天營歟然就績民美輪奐不聞役作厥成最速公猶曰後之人其或墮吾緒而忘作之艱難爲買出若干畝取田之入與居肆者儼錢爲脩葺費是倉也庶幾可以常新厥謀又若斯之永也陶子曰官帑之絀甚矣倉者以爲藏也官未憂所藏而先憚于爲藏者爲藏者絀矣而何有于藏者哉雖然盈與絀非常數能者常有餘拙者常不足公是舉也有餘其力以獲有二善有餘其謀以貽後之人可謂真有余矣真餘者絀不能絀非大過人之才力焉能辦乎夫常平之法自漢迄于唐宋往往官出緡錢爲糴本至明改爲預備凡納粟賜爵與橡吏免試罪人贖辜皆委輸于倉雖不置糴本而所積固已充羨焉則一預備而可矣厥後四方之積斂而內輸荒政所需徒取給紙贖比量分數嚴罰隨之長吏黽勉及程猶恐不逮卽一預備

猶難焉然預備之法放而無所息出多不返積雖豐而易匱常平者反之息之苟有善者可以漸豐為法較善獨今日時勢稍艱耳官不能其糴本一難也未下勸率之令而先遠抑勒之嫌二難也力殫于預備而緒為常平三難也故非有大過人之才力無以善其事今新倉所儲既漸以贏矣民皆知我侯用之之苦而莫測其妙令繼者復如侯之日滋月息則倉其廢幾哉昔元晦之議社倉也說者所持異議郡邑皆空文相枝梧獨會稽山陰力行之而民受賜甚渥由此言之法無難易神而明之存乎其人信矣哉

〔接官亭〕即東道所在迎春亭東一里

知縣張鑑創邑士秦位金

堂捐地為之基

大門三間

匾曰舟行畫圖

正廳三間

匾曰東道所

〔分香亭〕在稽山門外

凡遇頒降亭二炷分往南鎮禹陵二炷

御香皆迎至此

會稽縣志

卷二

城池志

屬署

土

分往宋攢宮永阜永穆陵今亭圯基存

〔養濟院〕附于府在山陰鯉魚橋西

即宋時貢院故址院東屬會稽

屋百餘間正德十四年知縣徐岱重脩今廢

寓署

〔曹娥場鹽課司〕在東關驛南

隸兩浙鹽運司

〔紹興衛軍器局〕在縣治東南二里

明初在紹興衛公署後洪武二

十三年指揮趙忠移置于此即福果寺基

〔瀝海千戶所〕在縣三十三都纂風鎮

隸臨山衛

〔常豐二倉〕在瀝海所

隸餘姚縣

廢署

〔倉塘稅課司〕

〔三界稅課司〕

〔桑盆稅課司〕

〔蒿陡稅課司〕

〔五雲河泊所〕

〔桑盆河泊所〕

以上司所俱以本地名五雲桑盆二

檢司會稽捕盜司湯浦紙局
三界紙局曹娥稅場今俱廢

會稽縣志

卷二

城池志 廢署

十三

會稽縣志卷第二 終

會稽縣志卷第三

山川志上

形勢 山

紀揚州之山川者在禹貢曰彭蠡曰三江曰震澤而止在周禮曰會稽曰具區曰三江曰五湖而止彼州者於天下九之一也今邑者於天下幾於千之一也一聖君一賢相書天下九之一之山川不滿一尺牘今之志會稽者書天下千一之山川乃累十數紙而未終且間有關曷故哉秦以前天下

會稽縣志

卷三

山川志

一

之地各屬其封國惟各屬其封國則王者制其貢而已耳不責其數可也故夏之物於揚州亦止曰貢金三品瑤琨篠簜齒革羽毛木而已周之物於揚者亦止曰金錫竹箭而已秦以後天下之地一統於京師惟一統於京師則王者雖制其貢矣不責其數不可也故一毛一鱗之所產亦必稽於土登於版與壤畝等也而不敢以謾夫物不責其數故山川可畧也可畧故紀山川其大如州者不滿一尺牘物責其數故山川不可畧也不可畧故紀

山川其小如邑者累十數紙而未終且間有關徐渭
形勢

大郡邑之有形勢豈取于觀游哉會稽東有娥江
北有大海南有杉木駐日嶠山諸嶺而西界於山
陰約地六千頃丁男六萬人無事則耕食鑿飲有
事則荷戈帶甲向者批東關撇清風嶺名以與倭
相從事據險擇利而進則所謂娥江大海諸嶺未
必鄰封之不爲我而增壯也晉書孫恩入餘姚破
上虞兩寇邢浦害謝
琰寇邢浦雖不書何地然自上虞入必循會稽東
道曹娥間也五代史錢鏐出平水率奇兵破劉漢

會稽縣志

卷三

山川志上 形勢二

宏之將施褒於曹娥保越錄元至正時兵亂邑
人裘廷舉結鄉兵設守駐日嶺而近歲倭掠東關
屯阜埠者在往從娥江入若所稱佳山水特游觀之具豈形勢
之謂與已志在山川部中

東環娥江

界上

北遶大海

界海

南接杉嶺

界西倚

山陰東南阨嶠山

界

西南阻駐日

界諸

山

〔南鎮會稽山〕在縣東南一十二里

〔周禮〕揚州之鎮
山曰會稽〔山海

經〕會稽之山四方勺水出焉〔史記〕禹會江南計功
而崩因葬焉命曰會稽會稽者會計也〔注〕禹到大
越上苗山爵有德封有功因更名曰會稽〔吳越春
秋〕禹還大越登茅山以朝群臣大會計更名茅山

曰會稽山輿地志會稽山一名衡山其山有石狀如覆繡亦謂之覆繡山十道志會稽山本名茅山一名苗山一名塗山吳夫差入越王以甲楯五千保會稽山太平御覽會稽之山古防山也亦名鎮山三國志虞翻曰南山攸居實爲州鎮隋開皇十四年詔會稽等山並就山立祠唐開元十四年封四鎮山爲公會稽南鎮曰永興公唐地理志會稽縣有南鎮永興公祠卽此山也地志所著曰苗山曰茅山曰衡山曰釜山曰防山曰覆繡曰棟山亦曰南山寔是一山也東北接觀嶺其上有盤石屹立曰降仙臺一曰苗龍仙人臺臺下有香爐峯永興公祠之側有茗鴉淘沙徑思古亭遺址山南別峯曰石傘峯之下有唐齊抗書堂范蠡養魚池山西北五里卽禹井禹廟宋名告成觀又西百餘步有大禹寺菲飲泉注山與宛委相接宛委山卽禹穴號陽明洞天泊宅編會稽東南巨鎮對案梅里尖謂之筆案其周回六十里此又兼言寶山也然則會稽云者諸山之通稱爾晉郭璞贊禹徂會稽爰

會稽縣志

卷三

山川志上山三

朝群臣不虔是計乃戮長人王櫃表夏元石勒秦唐孫逖詩稽山碧湖上勢入東溟盡烟景畫清明九峯爭隱嶙望中厭朱紱谷內探元北野老聽鳴騶山童擁竹軫仙花寒不落古蔓柔堪引竹澗入霜多松崖向天近雲從海山去日就江村隕能賦丘嘗聞和歌參不敏冥搜信冲漠多士期標準願奉濯纓心長謠反招隱李公垂詩削平水土窮滄海畚插東南盡會稽山擁翠屏朝玉帛穴通金闕駕雲霓秘文鏤石藏元璧寶檢封雲化紫泥清廟萬年長血食始知明德與天齊宋高宗詩六龍轉淮海萬騎臨吳津王者本無外駕言蘇遠民瞻彼艸木秀感此瘡痍新登臨望稽山懷哉夏禹勤神功旣盛大後世蒙其仁願同越句踐焦思先吾身艱難勝遵養聖賢有屈伸高風重君子屬意種蠡臣元吳萊詩自我行至越因之成越吟會稽乃巨鎮擁拔天東南東南誰開闢大禹世所欽外方島嶼接支子桃廟臨磬鞀或聲諫標檣惟力任收功黃熊化畫道應龍深衣冠千年定玉帛萬國沉荒

烟專車骨落日望狩心盛德茂以過遺祠尚茲歆
渤澥歛餘漲蒼梧分遠陰前迎蓮花渚後擁竹箭
林猶迴剡曲棹肯鼓玉門琴秦皇舊時輦散亂何
可尋欲去不忍去追遊更來今黃元鎮詩巨鎮東
南表海邦玉書金簡昔人藏雲從禹會奔侯國星
列周官奠職方野逕莓苔秋樹老空山香火夕輝
涼恭惟歲徧宗群祀勅使年年攝薦璋明劉基詩
會稽南鎮夏王封蔽日騰空紫翠重陰洞烟霞輝
艸木古祠風雨出蛟龍元爇此日歸何處玉簡他
年豈再逢安得普天休戰伐不令竹箭出輸供又
謁夏禹王廟有感詩一片宮垣粉腹新前王陵廟
在松筠玉書金簡歸天地貝葉曇花託鬼神滄海
波濤紆職貢山川艸木望時巡苗頑未狎虞階舞
空使忠良淚滿巾又感懷詩朝登會稽山逍遙望
南訛禹穴已蕪沒禹功長不磨惆悵感往昔沉吟
發新歌誰言專車骨冠弁高嵯峨爲虺且復爾爲
蛇當奈何天門隔虎豹空悲涕瀟沱王守仁登香
爐峯詩二首會從爐頂躡天風下數天南百二峯

會稽縣志

卷三

山川志上

山

四

勝事縱爲多病阻幽懷還與故人同旌旗影動星
辰北鼓角聲迴滄海東世故茫茫渾未定且乘溪
月放歸蓬又道人無奈登山僻日暮猶思絕棧雲
岩底獨行穿虎穴峯頭孤嘯亂猿群清溪月出時
尋寺歸棹城隅夜款門可笑中郎無好興獨留松
院坐黃昏沈鍊宴集南鎮山池詩桂席俯雲端山
禽舞合歡羽觴流滿月仙管發幽蘭香醕花能釀
清絲水共彈不知歌咏地猶作晉衣冠蔣平階會
稽山辨紹興舊志以禹陵南之覆鬴山指爲會稽
山傳聞乖謬襲而不考一至此哉虞書以四岳爲
天子巡狩之所禹定九州各以道里適均之地大
會諸侯封其高山爲州之鎮揚之會稽其一也夫
王制五嶽視三公言德高地峻品物儀章莫隆于
此是則四嶽之山惟此四者難可等倫故命之爲
嶽嶽者高也大雅賦崧高亦曰崧高惟嶽峻極于
天言非二室三臺所能並也周禮職方氏不云嶽
而均謂之鎮鎮者尊也鎮猶嶽也然則會稽之在
揚州猶青齊之有岱宗漢南之有衡山也若覆鬴

蜿蜒卑伏屈於諸山之下而名之曰鎮以與石閣
日觀祝融玉女並稱赤帝之闕而表受命之符抑
亦爽其實矣必若所云則作鎮金天者當于少華
首陽而何必從太華七十二君之金泥玉簡當于
云亭梁父社首肅然而奚必登介丘由斯以談覆
繡之欲當會稽求諸義類無適而可按宋志作於
陸待制游明志相傳以爲徐山人渭代作二君素
號淹雅豈其有里漏與然則會稽山云何日卽今
所稱秦望者是山海經曰會稽之山四方勺水出
焉南流至於溟諸山惟秦望其形削成而方有南
流之水者天柱而下香爐宛委水皆北流與山經
不合此一證也吳越春秋夫差入越越王以甲楯
五千保會稽秦望險峻故可擐甲自衛敵不能仰
攻若在覆繡蹙之卽鳥散矣且其山僅可棲數十
人耳五千之衆安所容足乎泊宅編亦云會稽東
南巨鎮周回六十里覆繡未及里許何云六十里
也乎故舊志又曰會稽山者諸山之通稱爾彼刻
石秦望皆可以會稽名之歷考石經并後賢緒論
秦望之爲會稽彰彰可據矣自始皇東巡登之以
望東海輒置其故名旣以榮號而謂之秦望蓋秦
以後之文非三代之舊也宋陸叅法華山碑亦曰
夏后氏巡狩越山方名會稽後世分而爲秦望釐
而爲雲門法華其實一也而李斯所作頌德之碑
其文蓋謂遂登會稽宣省習俗舊云碑在秦望則
當昔時祖龍馳道之初其山名從故未之有改也
然則覆繡之稱會稽者何居曰以南鎮之廟在其
側也夫廟之立也必擇壇爽平行之區廣可設壇
塲而塗足以通使者之車轍若必于秦望則崎嶇
斗絕非其便矣且以其無非會稽也故隨所擇而
廟焉豈牲犢圭璧獨此培塿者能歆之哉

宛委山在縣東南一十五里

舊經

山上有石簣壁立千雲升者累梯而
至十道志石簣山一名宛委一名玉筍有懸崖之
險亦名天柱山昔禹治水功未成乃齋戒於此得
金簡玉字因如山河體勢水經玉筍竹林雲門天